



537
Angewandtes

Druck. Rom

Vc 734



HPΩON.
 VIRTVTI
 INCLVTI DVCIS,
 HENRICI IVLII.



HELMÆSTADII,
 Typis Iacobi Lucij. Anno
 1601.





Scilicet hoc animus quondam cordatus, &
expers
Inuidiæ pectus primis præfagijt annis,
Cum primùm populi furor & petulantia patrum
Radices ageret gliscens, alijsq; sibiq;
Tum diffusa, palam haud auderet tollere cristas.
Hoc quoq;, nec falli, nec fallere conscia virtus
Promisit, ratioq; in principe rara, futurum,
Vt latus in proprium funesta rebellio sese
Verteret, autoremq; ad pænas posceret ipsum.
Est DEVS: est certè numen, mendacia pernix
Vlcisci, & vitam perituro reddere vero.

Idem animos tibi, magne heros, DEVS addidit
autor:

Ille tuos hostes sine bello & sanguine strauit,
Exemploq; tuo docuit præsentem rebelles
Corde retundere, nec phaleratis cedere diris:
Dum duplicem, siue hydrã aliquis, seu forte chimæ-
ram

Dixerit, haud falsus, simul vno tempore victam
Conculcas, pietatis iustitiæq; patronus.

Dicite, Pierios quantum coluisse recessus
Scribitur, abiuratae aliquid confingere Musæ:
Dicite: siue suos educat mane veredos,
Siue immergat aquis autor rectorq; diei,
Quem potuit vidisse pari virtute secundum,
Aut hoc principe maiorem? diuinior illi est
Ortus, & heroum deductus origine sanguis.

In cuneis alij sedeant, auresq; fatigent
Litigijs, putealq; graui vibice flagellent:
Constituunt leges, & ferrea iura superbo
Vulgo alij figant, queis curia, quomodo regnum,
Insanumq; forum & tabularia quæq; regantur.
Vnum alijs sit opus, peregrino amplissima ritu
Atria moliri, & cælo quæ dira minentur
Vertice, congestis saxis educere tures.
Hic petat excidijs urbem, miserosq; penates,
Exilioq; domos & dulcia limina mutet,
Atq; alio patriam quærat sub Sole iacentem.

Nil tibi, magne heros, tibi nil natura negauit,
Nil non istorum melius sapientia præstat.
Tu regis imperio populos, tu legibus æquis
Iustitiam terras hominesq; valere iubentem
Retrahis: ingenti sumtu arces extruis idem,

Musis

Mufis hospitia & truculenti obstacula Martis :
Tu paci patria scis arte imponere morem,
Parcere subiectis, & debellare rebelles.

Vsq; adeò nulli tua facta & gloria cedit.

Sed tamen hoc vnum est, nulliq; imitabile,
foli,

Quod diuturna tibi peperit solertia, quando
Limpida Pegasei haud fastidis pocula fontis,
Contempsisse lacus ausus, sterileq; paludes.

Est aliquid doctis multum inuigilare Camænis,
Et sese imbibitas velle æternare per artes:

Sed si tentet idem tanto molimine princeps,

Is punctum ferat omne & non sine nomine palmã.

Dum iecore ex alieno alij sapiunt, alienis

Incedunt plantis, alienoq; ore loquuntur,

Inq; alieno habitant maiori ex parte cerebro:

Tu sapias ipse tibi, proprioq; in corde senatum

Gestas, quod fas est, ex illo promere gnarus.

Tu iam iam ad scopulos rapiendæ in tempore nauis

Succurris, tu Palladium iam sede remotum

Confirmans, vnus ruituram restituis rem.

Vadit ouans fraude & falso faciem illita fuco

Barbaries, utq; Oceani si forte dehiscunt

Littora, conclusasq; suis compagibus vndas
Exonerant, ruit immensum passim agmen aqua-
rum,

Præcipites glomerat fluctus, fata læta, labores,
Quæis bos succubuit sæpe & caperatus arator,
Diluit, & grauidam segetem ab radicibus imis
Eruit expulsam, spumat torrentibus æquor:
Sic, quæcunq; die multo, quæ nocte frequenti
Repperit argutus scrutator, ea omnia cæno
Collutat, & larga sorde ignorantia inundat.
Ultima nunc sibi te genuerunt secula certum
Subsidium, quò ampullantem & magnam ore fe-
rentem

Sese barbariem, cristas demittere, humiq;
Serpere, vel stygias doceas vestigia ad vndas
Rellegere, & tetrīs defæces sordibus artes.

Qui nummos cudit vetitos, qui scortea vulgo
Venditat, aut alia arte numismata adulterat, illum
In cruce suffigi, & Vulcani iure furori
Sacrificari, omnes acclamant, nemo repugnat.
Quantò rectius hos de saxo & rupibus altis
Præcipites dare, & arboribus dirumpere passim
Curuatis leges iubeant, ius comprobet ipsum.

Non

Non hi in splendorem coctæ portiscula terræ
Deprauant, nummoq; emungunt æneo auaros,
Sed mentem, quam diuinæ DEVS optimus auræ
Particulam nobis indulfit, eaq; palato
Et ventri natas pecudes præuerrere iussit,
Præcipitant à sede sua, multoq; labore
Sæpe recocta animi corrumpere fercula tendunt.

Te sibi nunc meritò saluum, Heros inclute, Musæ
Exoptant, quibus ipse salutem & munera reddis
Perdita, dum centum tumidam ceruicibus hydram,
Quæ iam huc vsq; tuo seruata videtur honori,
Conficis, innocuas quassari impune Camænas
Haudquaquam patiens. Ea nunc, quia tessera fra-
cta est,

Excipiat se, quòue ferant auræue pedesue
Aufugiens, faciem vetitis absterreat oris.

Tu decus interea, tu vasti gloria mundi,
Perge insperfa sacris euoluere nubila Musis,
Perge, inquam, Icarijs pennas præcidere laruis:
Iam tibi prouoluit se, iam tibi porrigit herbam
Barbaries, cupidusq; alijs insidere fastus.
Quantam diua parat tibi pro hoc tua Iulia laudem,
Quantam exinde tui iam dudum plenus honoris
Orbis,

Orbis, qui tua se totum in præconia soluit.
Vno te ore ferent quoscunq; Oenotria vini
Prodiga commendat, quos sæua Britannia quon-

dam,
Edomita humanis nunc artibus educat, aut quos
Saxonia, opprobrium Romani nominis olim,
Nunc domitrix alit, atq; in spem generosa futuram
Ostentat: te Danubij, teq; accola Rheni
Dicet, te tantum non vltima Thetys, & vltra
Mundi extremum orbem Thule proiecta filebit.

T. Celsitudini

humiliter subiectus

*M. Henningus Arniseus, Ex Cheruscis
Halberstadiensis.*

F I N I S.



20. J. 1667

223

AB: 59072

ULB Halle 3
001 949 837



TASOL
5b

Rebro
VD 17





10



HPΩON.
VIRTVTI
INCLVTI DVCIS,
HENRICI IVLII.



HELMABSTADII,
Typis Iacobi Lucij. Anno
1601.



11

Inches
Centimetres
1
2
3
4
5
6
7
8
9
10
11
12
13
14
15
16
17
18
19
8

Blue
Cyan
Green
Yellow
Red
Magenta
White
3/Color
Black

Farbkarte #13

B.I.G.